



UKA16/106

24. Oktober 2016

Peter Olsen

Naalakkersuisut UKA17-mut Nunatta nunatut issittumiittutut inissisimanagera nunarsuarmioqatigiinnilu inissisimanagerput pillugu politikikkut periarfissarisai aallaavigalugit, Issittoq pillugu periusissiamik suliaqarnissaannik Inatsisartut aalajangiiffissaattut siunnersuut.

(Inatsisartunut ilaasortaq Sara Olsvig, Inuit Ataqatigiit)

Inatsisartunut ilaasortap Sara Olsvig Inuit Ataqatigiinneersup oqaluuserisassanngortitaanut qulaani pineqartumut soqutiginarluinnaqqissaartumullu matumuuna Inuit Ataqatigiinniit imatut oqaaseqaaseqaasaagut.

Siullermilli, issuaaffigalugu aallarniutigeqqaalaarusuppara Inuit Ataqatigiit malittarisassaani imm. 2-mi allassimasoq, isumaqarama tulluurtuusoq uunga oqaluuserisassatsinnut tunngatillugu aallarniutigissallugu.

“ Imm. 2: INUIT ATAQATIGIIT siunertaraat Kalaallit Nunaata aningaasaqarnikkut aamma nunat tamat akornanni inuiaat inatsisaat naapertorlugit namminersulivinnissaa. Nunatta naalakkersuinikkut aningaasaqarnikkullu ineriartornera inuttut, inooqatigiissutsikkut avatangiisinullu tunngasutigut piujuarsinnaassuseqartumik ingerlanneqassaaq, kalaallilu kulturerput aallaavigissallugu. Inuiaqatigiit inuiaqatigiinnilu sullissiviit tamat oqartussaaqataaneranni tunngaviit pingaartitallu tunngavigalugit piorsarneqassapput, inuit pisinnaatitaaffii tamani atuuttut ataqqillugit. Qularnaarneqassaaq naleqartut inuiaqatigiinni pilersinneqartut, inuiaqatigiinnut tamanut iluaqutaanissaat. Ataqqeqatigiinneq, naligiissuseq, assigiissuseq inooqatigiissutsikkullu nammaqatigiinneq partiip politikikkut suliaanut tunngaviupput.”

Tamassa uagut Inuit Ataqatigiinni pingaartitavut naleqartitavullu. Nunarput namminersulivikkumaartoq upperigatsigu. Inuiaat peqqissut, nukittuut, sapinngitsut, imminnut tatigisut, namminneq imminnut aqussinnaasut, nammineersinnaasullu pilersinnissaat upperalutigu.

Taamaattumik Sara Olsvig isumaqatigilluinnaqqissaarparput, nunatut namminersulersimasutut, namminiilivikkusuttutullu, issittoq pillugu periusissiamik uagut nammineerluta peqartariaqarnitsinnik, sanasariaqarnitsinnillu oqariartuuteqarmat.

Ajuusaarnaraluartumillu Naalakkersuisut akissuminni siunnersuut, anguniagarlu tamanna itigartitsissutigineqarnissaannik innersuusuuteqarput.

Taamatut Naalakkersuisut itigartitsissuteqarnissamik innersuussuteqarnerminni, innersuussutigaat; Naalagaaffeqatigiinngooq Danskit, uagut, Savalimmiormiullu tamatta ataatsimut issittoq pillugu periusissiamik peqareersimanerput.

Periusissiaq innersuussutigineqartoq taanna 2011-miit 2020-ip tungaanut atuuttussaalluni.

INUIT ATAQATIGIIT

INATSISARTUNI



Misissuininni aamma paasivara, periusissiap pineqartup atuuttussanngortinneqannginnerani piareersarnek sulisiusinnerungaatsiartukkut aallartissimasoq, tassalu 2008-mili.

Tassa taava imaassimassaaq, piareersarnek, piviusunngortitsiniarnerullu tungaanut piffissaq, ukiut pingasut missaat ingerlaqqaartariaqarsimassaaq.

Unalu periusissiaq Naalakkersuisut innersuussutigisaat, Danskillu suliarisimasaat, 2020-ip tungaanut taamaallaat atuuttussaalluni. Tassa imaappoq ukiut sisamaannanngorput atuukkun-naarnissaanut.

Pilersaarusiorneq ukiut pingasut missaani ingerlanneqartarsimassappat, soormi taava uagut nammineerluta piareersarluta massakkut aallarteriiginnarsinnaanngilagut taava?

Piffissanngulinnginnerpa? Uagut nammineerluta periusissionnissatsinnut piareersarluta aallartinnissatsinnut piffissanngunnginnerpa?

Kisianni qanorluunniit ikkaluarpat, Sara Olsvig assortorumi naatsillu innaqqissaarparput, isumaqatigillu innarparpullu. Ilumut, uagut nammineerluta, issittoq pillugu periusissiasatsinnik peqartariaqarpugut, suliaqartariaqarpugullu.

Savalimmiormut nammineq aamma peqareerput. Soormi aamma taava uagut nammineq peqassanngilagut?

Issittoq eqqissinarloq isumannaatsorlu qanoq ittoq pilersikkusussinnaavarput? Qanoq takorlu-ugaqarpugut? Imminut nappassinnaasumik ineriartortitsineq, inuiaqatigiittullu **attanneqarsinnaassuserput** pillugu, uagut nammineq qanoq takorluugaqarpugut? Qanoq anguniagaqarniar-pugut? Aatsitassarsiornermut Peqqinnissamullu tunngasunik qanoq takorluugaqarpugut? Qanorlu politikkeqassaagut?

Issittup silaannaata mianernartup mianerillu innaqqissaarneqarnissaa, avatangiisillu, pinngortitarlu ataqqillugit ineriartortitsinissaaq pillugu, uagut nammineq qanormitaava eqqarsaatersuuteqarsinnaagaluarput? Minnerunngitsumillu nunat tamalaat akornanni suleqatitsinnut qanilaarnissaaq suleqateqarluarnissarpullu pillugu taava qanoq periuseqarniar-pugut periuseqarsinnaagaluarpuulluunniit?

Issittoq pillugu siunnersuisoqatigiinnut, Arktisk Råd-mut qanoq pissusilersussaagut qanoq suleqatigiissinnaavugut, qanorlu inissisimassaagut? Naggueqatitsinnut qanoq politikkeqassaagut qanorlu suleqatigiissinnaavugut?

Sorparpassuupput, assigiinngitsorparujussuullutik oqallisigineqarsinnaagaluartut, uagut nammineerluta issittoq pillugu periusissiamik suliaqarsinnaagaluarutta.

Taamaattumik manna iluatsillugu Sara Olsvig qutsavigerusupparput, Inuit Ataqatigiit malitta-risasaanut, anguniagaanullu imm. 2-mi allassimasumut naleqqullu innaqqissaartumik oqaluuserisassanngortitsisimammat.

Inuiaat allat isumalluutigiinnarnatigit, Danskil naalagaaffiata pissaaneranut nakkarsimaagin-narata, nunatulli namminiilivikkusuttutut, piumassuseqarluartutullu, uagut nammineq namminerisatsinnik, issittoq pillugu periusissiamik peqartariaqarpugut. Uagut nammineq pissatsinnik, sanaatsinnillu. Allat sanaarinngisaannik piliarinngisaanillu. Uagut nammineq sanaatsinnik piliatsinnillu.

INUIT ATAQATIGIIT

INATSISARTUNI



Misileqqaartinnagu, kukkoqqaartinnatalu ilikkarunнанgilagut. Namminersulivinnissatsinnut sungiusarluta piareersarlutalu aallartinniarta.

Piffissanngorpoq aallartinnissatsinnut. Sapinngitsorsuuvugut pisinnaarsuullutalu.

Taamatut oqaaseqarluta Sara Olsvig-ip siunnersuutaa taperserlugu ataatsimiisitaliamut ingerlateqqinnissaa Inuit Ataqatigiinniit akueraarput.

Qujanaq.
Peter Olsen